

**Ministarstvo za odgoj i obrazovanje
Kantona Sarajevo**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministrica za odgoj i obrazovanje Kantona Sarajevo donosi

**PRAVILNIK
O STAVLJANJU VAN SNAGE PRAVILNIKA O NAČINU
I UVJETIMA PROVOĐENJA POSLOVA
ORGANIZIRANJA ISPITA ZA VOZAČA MOTORNOG
VOZILA**

Član 1.
(Predmet)

Ovim Pravilnikom stavlja se van snage Pravilnik o načinu i uvjetima provođenja poslova osposobljavanja i organizovanja ispita za vozača motornog vozila ("Službene novine Kantona Sarajevo", br. 35/16, 6/17, 16/17, 30/17).

Član 2.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-03-02-28369/26

22. maja 2026. godine

Sarajevo

Ministrica

Naida Hota-Muminović, s. r.

GRAD SARAJEVO**Gradonačelnik**

Na osnovu člana 79. stav (1) Statuta Grada Sarajeva ("Službene novine Kantona Sarajevo", broj 7/23), a u vezi sa članom 132. stav (2) tačka a) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), gradonačelnik Grada Sarajeva donosi

**PRAVILNIK
O KRITERIJIMA ZA SUFINANSIRANJE PROJEKATA
POBOLJŠANJA PROSTORNIH I MATERIJALNIH
USLOVA U OSNOVNIM I SREDNJIM ŠKOLAMA SA
PODRUČJA GRADA SARAJEVA**

Član 1.

Ovim Pravilnikom utvrđuju se kriteriji, način i postupak sufinansiranja projekata poboljšanja prostornih i materijalnih uslova u osnovnim i srednjim školama sa područja Grada Sarajeva (u daljem tekstu: "Pravilnik").

Član 2.

- Gradonačelnik/ca Grada Sarajeva jednom godišnje raspisuje Javni poziv za sufinansiranje projekata poboljšanja prostornih i materijalnih uslova u osnovnim i srednjim školama sa područja Grada Sarajeva (u daljem tekstu: "Javni poziv").
- Javni poziv iz stava (1) ovog člana se objavljuje na službenoj web stranici Grada Sarajeva i sadrži uslove, opće i posebne kriterije, rok i način za podnošenje prijava, te druge potrebne podatke.
- Pravo učešća na Javnom pozivu imaju osnovne i srednje škole sa područja Grada Sarajeva, četiri gradske općine i to: Centar Sarajevo, Stari Grad Sarajevo, Novo Sarajevo, Novi Grad Sarajevo (u daljem tekstu: "Škole") koje

dostave odgovarajuće projekte poboljšanja prostornih i materijalnih uslova škola (u daljem tekstu: "Projekti").

- Pravo učešća na Javnom pozivu nemaju one škole koje su po nekom drugom osnovu već bile ili su planirane, kao korisnici sredstava u Budžetu Grada Sarajeva za tekuću godinu, kao ni one škole koje nisu opravdale prethodno odobrena sredstva iz Budžeta Grada Sarajeva, do momenta raspisivanja Javnog poziva.
- Sredstva za realizaciju Javnog poziva obezbijavaju se u Budžetu Grada Sarajeva za tekuću godinu i u odgovarajućem iznosu, shodno planiranim i raspoloživim finansijskim sredstvima.

Član 3.

Pod poboljšanjem prostornih i materijalnih uslova škola, podrazumijeva se obezbijedenje odgovarajućih uslova neophodnih za efikasnu organizaciju rada, te obezbijedenje adekvatnih izvora sredstava za rad, kao i nabavku neophodne opreme i drugih nastavnih sredstava primjerenim vrsti škole, a sve u skladu sa Pedagoškim standardima i normativima za odgoj i obrazovanje u osnovnoj i srednjoj školi.

Član 4.

Kriteriji iz člana 1. ovog Pravilnika utvrđuju se kao opći i posebni kriteriji:

a) Opći kriteriji

- izvod Rješenja o upisu u registar nadležnog suda, (original ili ovjerena fotokopija ne starija od šest mjeseci);
- identifikacioni broj za pravno lice;
- broj transakcijskog računa, broj općine, vrstu prihoda i budžetske organizacije;
- jasan opis projekta, sa naznačenom konstrukcijom finansiranja;
- predmjer i predračun radova/potrebne opreme (ukoliko se za isto traže finansijska sredstva);
- dokaz o obezbijedenju dijela sredstva (ukoliko je obezbijedeno sufinansiranje);
- dostavljen finansijski izvještaj o utrošku sredstava za prethodnu godinu, ukoliko su korištena sredstva iz Budžeta Grada Sarajeva.

b) Posebni kriteriji

- obezbijedenje školskog prostora u cilju zadovoljavanja osnovnih pedagoških standarda, sanitarnih, zdravstveno-higijenskih i drugih prostornih uslova neophodnih za odvijanje nastavnog procesa;
- obezbijedenje opreme i sredstava rada, sa ciljem unaprjeđivanja nastave;
- poboljšanje obrazovnog procesa;
- projekti namijenjeni povećanju sigurnosti učenika;
- projekti namijenjeni poboljšanju higijenskih/zdravstvenih uslova;
- projekti nabavke potrebnog namještaja;
- i drugi projekti koji su u skladu sa standardima i normativima, a potrebni za rad škole.

Član 5.

Škole koje se prijavljuju na Javni poziv potrebno je da vode računa o stvarnim, nužnim potrebama škole kako bi sve škole sa područja četiri gradske općine, koje ispunjavaju opće i posebne kriterije, mogle biti podržane sa određenim iznosom sredstava za određeni projekat.